



DEO OPTIMO MAX. UNI ET TRINO, QUÆSTIO MEDICA,



CARDINALITIIS DISPUTATIONIBUS,
*manè discutienda, in Scholis Medicorum, die Jovis decimâ-septimâ
mensis Martii, anno Domini M. DCC. LXIII.*

M. JOANNE-LUDOVICO-MARIA SOLIER,
Doctore Medico, Præsîde.

An consuetæ Parisiis, capitis & pectoris perpetua ferè mdatio, sit noxia.

I.



INFIRMA sanè corporis humani compages, Hujus origo
stupenda, augmentum mirabile, duratio prodigium. Quam
naviculæ fragili ventis & mari procelloso creditæ meritò
comparaveris, brevi naufragium experturâ, nisi perito
nautâ gubernetur. Diræ namque Libitinæ præda sæpè
nondum natus homo, vitales vix carpsit auras cùm densa
malorum ingruit cohors, Perfidum quandoque nutrimentum lac; infau-

A

stum naturæ munus dentes; insidiosa pubertas; scopulosa juvenus; diversi generis angoribus disruciata consistens ætas; languida, veternosa, tristis, effæta senectus; tota denique vita periculum. Causas omnes sanitati perpetuò insidiantes hæc recensere non est animus. Nihil enim fermè rerum in naturâ reperias quod usu præpostero damnum inferre nequeat: horum in viscera dolosè irrepunt venenatæ metallorum particule; illorum pulmones continuo afflat aër putridis effluviis, aut variâ intemperie noxius. Quid! & horresco referens, in vetitum nefas ruens gens humana, immani bellandi rabie percita impias in seipsam manus infert, proprioque sanguine cruentat; quasi non jam satis facilis foret Averni descensus. Quot autem letho dederit ingluvies, quis enumeret? Quot tetra lues impuro concubitu contracta? O miserandam hominum sortem! quibus veneris sacra tutò celebrare non licet, nec absque mortis periculo vitæ fontes adire. Verùm dolendum magis nescio, an culpandum humanum genus, cum hujus ea sit indoles, ut quæ ad sui utilitatem & commoda à naturâ comparata sunt, ea in sui perniciem artificiosè convertat. Sic quotidiano rerum nonnaturalium abusu, infinitam propè malorum seriem in caput accersunt rectè temperatèque vivendi rationis impatientes miseri mortales. Rerum autem nonnaturalium nomine, cum Boherraavio intelligimus ingesta, gesta, retenta & excreta, applicata corpori externè, Ad ultimam harumcæ classim meritò referuntur vestimenta. Quantum autem corpori gratiam & elegantiam, tantum huic robur & sanitatem conciliare sese vestiendi modum, neminem physicum latet, Perversam, quâ tenella infantum corpora fasciis constringuntur, & puellarum loricis incarcerationum, methodum damnarunt alii; multi strictiorum collatorum, monilium, perisclidum pericula scriptis & observationibus demonstrarunt. Nos vero pro parte nostrâ civium utilitati consulere studentes, consuetam Parisinis, capitis & pectoris perpetuam ferè nudationem aggredi, noxiamque hanc consuetudinem evertere nobis proponimus. Felices, si quem ingenii levitas, inepta ridiculaque urbanitatis affectatio morem invexit, ab hoc saniozem populi partem avertere valeat rationis & medicæ artis auctoritas.

I I.

NULLA certè in Europâ civitas incolarum numero locupletior; cunctis vitæ commodis & delinimentis ditior, omni voluptatum ac deliciarum genere affluentior Lutetiâ. Huc undique terrarum conflunt in ingenuis artibus præstantissimi artifices, in litteris & scientiis versatissimi viri. Nusquam tanta in vestitu elegantia, in colloquiis hilaritas, in cætibz urbanitas, in moribus comitas; adeò ut quæ cæteras urbes amplitudine præcellit, eas amœnitate suâ & jucunditate faciliè superet. Verum cheu! quàm multis incommodis compensantur hæc bona! Ex innumeris tum hominum, tum animalium diversi generis corporibus, tum sanis, tum ægrotis in angustis quoad plurimam partem, immundis, cœnosis

ædibus glomeratim aggestis & velut incarceratis indefinenter per aëra
 disperguntur halitus putridi, sulphurei, salino volatiles; è Nosocomiis
 ubi mira reperitur agrotantium varietas, diversa morborum effluunt se-
 mina; è sepulchretis retra mortiferaque putrescentium cadaverum efflu-
 via avolant, omnemque athmosphæram contaminant. Adde focorum
 ubique accensorum fumos perpetuò aëra petentes. Nec reticendum è
 flumine Sequanâ urbem integram ab oriente ad occidentem transfluente;
 omni tempore immensam aquearum molecularum exhalationem in aërem
 effusam, densas sæpè nebulas & caligines efformare. Ex quibus omnibus
 conficitur aëris elatere destituti, noxiis pestiferisque particulis fœti ath-
 mosphæra, quam tempore hiemali è campis urbi vicinis, nubem spissam
 atrorubentem urbi super extensam constituere, cuilibet inrueri licet. Porro
 quis in physicis tantisper versatus inficias eat, adeò heterogeneis, putri-
 disque particulis refertum, superficiè corporis applicarum & pulmo-
 nibus, tum solidis, tum fluidis corporis partibus, temporis lapsu labem
 inurere debere? Verùm, ne extrà proposuiros nobis cancellos divagemur;
 sufficiat in athmospharâ Parisiensi duplicem rantum pravam qualitatem,
 humiditatem nempe, & elateris defectum ponderare. „Si *Boherraavio* fides,
 „ nimium humidus aër laxat, solvit, debilitat fibras imprimis pulmonales,
 „ serum pulmonum retinet, auger, accumulât, perspirationem in iis pro-
 „ hibet; undè tusses, peripneumoniæ serosæ, diarrhææ similes, torpores,
 „ & febres, &c. Si nimium levis fuerit aur rarus, vasa humoresque
 „ minùs premendo dilatat, rarefacit; hinc tumores, eruptiones humorum
 „ eorum in loca minùs oportuna derivationes, indè morbos (n.º 732)
 „ creat; sed tum minus valet vim contractilem dilatationi resistentem
 „ in fibris pulmonicis superare; undè respiratio sistitur, sanguis ibi accu-
 „ mulatur, peripneumonia velox, mors „. Quod autem de levitate &
 raritate aëris scripsit clarissimus Author, idem de aëre minus elastico sen-
 tiendum. Aërem aurem effluviis è corporibus animalium exhalantibus
 fœtum, elatere orbari, pessimosque indè oriri effectus in corpore probat
 invictè notissimum experimentum, quo animal in vacuo boyleano inclu-
 sum citò moritur, nisi languenti jam & penè suffocato novus & elasticus
 reddatur aër. Si aurem aër aqueis moleculis fœtus, & elatere orbarus aër
 singulatim adeò noxios edunt in corpus humanum effectus; quid ex urrà-
 que aëri impressâ qualitate eveniendum censes? nonne partes solidas rela-
 xari, legitimo elateris gradu defraudari? nonne humores lentescere, ins-
 pissari, stagnare? excrementitias horum partes sive terreas & salinas, sive
 serosas retineri, accumulari? in varias cavitates præter naturam, & in
 textum cellulosum effundi? eadem igitur ac suppressa transpirationis in-
 sensibilibus materies, symptomata pariunt aër nimium humidus simul &
 elatere orbarus; aut porius eâ solum ratione tanta tamque dira producent,
 quod salutari huic ob obstant excretioni. Hanc igitur omni ope arque operâ
 fovere, promoverè, sustinere studeas, aut brevi minùs elastici nimiumque
 humidi aëris actione delettrice quassata corruet humana machina.

Vid. *Boher-
 raav. Instit.
 Medic. Ai-
 thiolog. Pa-
 tholog. n.º.
 748. & 751.*

PROH Deum ! quàm salutarî adeò excretionî promovendæ, aut sustinendæ parum congrua Parisiorum vivendi ratio ! Ut verò certum quemdam in dicendo teneamus ordinem , duplicem nos juvat in classen dispartiri numerosam Lutetiis degentem civium turmam. Primam classem obtineant magnates , divites , & omnes illius ordinis cives qui facilem & tranquillam agunt vitam. Alterâ classe contineantur omnis generis opifices , ignobilisque plebs. Primi toto vitæ curriculo ; mollitiæ , otio , deliciis disfluentes , à tenèris unguiculis corpus debilitant , vires frangunt , inconsideratè , & immoderatè cupidinibus addicti , quas perversa morum institutio , colloquia obscena , pravaque exempla antè mentibus injiciunt , quam æstuantis naturæ conaminibus sufficere queant teneriora adhuc nondumque explicata organa ; dein immodicâ vini & liquorum ardentium comotatione , ferculorum condimentorumque omnis generis ingurgitatione , sanguinem & humores inflammant , eosque maximâ particularum acrium & ferè causticarum congerie conspurcant. Istis alimentum simplex , commune , facilitè parabile , stomachum movet. Diverſa gulæ irritamenta seu potiùs venena , ex ultimis terræ regionibus magno sumptu conquesta , quotidie vorant helluones avidi. Quid & naturam ipsam ad arbitrium flectere habiles ; ab hac invitâ , & reluctantetempestate , fructus extorquent & olera prave qualitatis , at istis eo graviora quo majoribus impensis fuerunt comparata ; inertia & remollita torpent eorum membra ; lucis radiis perstringitur oculorum acies ; & solis , qui cuncta naturæ entia benefico calore fovet & recreat , usuram cum vulgo dividere pudet. Ideò per majorem diei partem somno indulgentes , per noctes ludis , saltationi , aliisque voluptatibus dediti , perpetuò ferè pergræcantur. Inde per æstatem aqueorum ex humo noctu surgentium , capiti imprimis & pectori denudatis circumfusorum vaporum balneo quasi immerguntur ; undè sistitur , & intrâ poros retinetur insensibilis transpirationis materies. Tum partes terreas acres , salino sulphureas , intrâ cutis poros aëre frigido & humido constrictos , retentas , in corporis fluentum refundi ; tum universam sanguinis & humorum massam particulis heterogeneis & noxiis redundare ; tum febres putridas simplices & malignas , arthritidem , dolores arthritico rheumaticos , ischyadicos nephriticos , scorbutum , paralysem , aliorumque densam malorum cattervam in corpus irruere. Sive ad miliares cutis glandulas appellens noxius humor , eas constringit , distendit , tumefacit , exulcerat ; impetiginem , lichenem , scabiem , herpetem , erisipelas pariturus ; sive organa generationi dicata perreptans in feminis , fluorem album , menſium suppressionem , sterilitatem , passionem hysterica , in mammarum glandulis infarctus , tumores scirrhosos , carcinomata producit.

Hyme verò , cubiculis accuratissimè clausis , levissimæ acris externi auræ aditum denegantibus incarcerationi desidioli isti homines , athmolphæ-

7
ram igneam hauriunt. Quid mirum igitur, si viri molles & effæti, si teneræ & exquisito sensu præditæ matronæ, humoribus, poris, & vasis tum superficiem corporis appellentibus, tum pulmones irrigantibus & constituentibus, immodico caloris gradu laxatis, rarefactis & expansis, ad primum aëris externi frigidi contactum repenti horreant & concrelescant? Nonne subitanæ hæc frigoris vi coarctari & constringi cutis poros, imprimis in capite & pectore denudatis, & penitus occludi ostiola vasculorum excretoriorum in intimâ bronchiorum tunicâ disseminatorum? Nonne salino sulphurea acris excernenda materies, quæ modo per varia hæc emunctoria patula avolabat, præcisâ tunc viâ remanebit, vasa distendet, infarciæ, nervos convellet, brevi catharos, tussés, peripneumonias, pleuritides, asthmata humida procreatura? Pluries tandem repetitâ nocivâ hæc frigoris actione, nonne vasa pulmonum & cerebri alternum hunc & violentum affluxum humorum & refluxum, repetitis vicibus passâ, debiti toni jacturam, distensiones, obstructions, dilacerationes pati necessum est? Quas presso pede sequentur capitis dolores diuturni, hemicranie, corysæ, paralyes, apoplexie, hæmopti- ses, tussés chronice, phytés, pulmonum tubercula, ulcera, lenta licet immatura mors.

At, relictis aureis divitum lacunaribus, humilia plebis tecta subea- mus. Viles ibi, ut loqui amant superbi, inveniuntur homines quorum salutem etiam providere, nostræ pietatis & officii ratio postulat; quos aspernari & negligere inhumanum foret, & Medico scelus. Mecum igitur intueamini immensam hanc operariorum & artificum turbam. Hos videas capitibus equidem passim opertis, at reliquo ferè omni corpore nudo, aut tantum detritis & laceris pannis adeò malè defenso, ut milleni ventis & frigori pateant aditus; hos inquam videas totâ die operari, indefinenter ferè, duroque labore frangi, modo præ frigidâ aëris intemperie rigere, modo præ violentiori exercitio, sudore disfluere, tuncque vestes deponere, caput & pectus nudare, membra laboribus quassata ad quietem aut somnum humi componere. Mireris igitur miseris istos in posterum corripi catharro, tussi, asthmate, arthritide vagâ, paralyti, peripneumoniâ, pleuritide, eò periculosioribus huic hominum generi morbis, quò tardius præ laboris necessitate, & inopiâ rerum, ad efficacis confugiant remedia?

I V.

QUA M certioribus Physiologiæ principiis consentaneam in medium protulimus opinionem, hanc quotidiana comprobatur Clinicorum experientia. Nullâ enim Galliarum in urbe æquè ac Parisiis, tanta occurrit morborum pectoris frequentia. Quot apud optimates puellæ vix puberes, aut juventutem primo limine salutantes, ante diem concidant hæmoptisi, tussi, lentâ rabe consumptæ, quis nostrum nescit? Quis adeò segnis inter nos, qui non observaverit maximam partem ægrotantium in Nosocomiis

decumbentium, morbis pectoris laborare? Quis nostrum oblitus est constitutionis catharralis epidemicae, anno proxime elapso, per totam hanc urbem grassatae? Hæc primo vere incepit, ad mediam usque æstatem debacchata; tunc ulterius provectâ calidâ cœli tempestate, per mensem unum aut alterum siluit; mox per integrum autumnum ferocius recrudescens, omnes ferme hujusce urbis incolæ, nullo discrimine habito sexûs corripuit: initio levis, diarræ, diaphoreticis, attenuantibus, vomitoriis, purgantibus facile cedens; sub finem gravior, nec nisi iteratis venæ sectionibus, diluentibus, antiphlogisticis abigenda. Cur, precor, in febribus ardentibus, biliosis, putridis, & malignis, cerebrum & pulmones præcipuè petat matèries morbofa, & in his abscessus lethales pariat? Fas sit dicere quæ sentio: sic se res habet: pravâ nostratum consuetudine, nuda ferè semper sunt caput & pectus; undè repressa transpirationis materies in viciniora pulmonum & cerebri vasa refunditur; turgent igitur hæc vasa, distenduntur, debilitantur; tuncque à quacumque causâ ortâ febre, rarefactis, expansis & velocius actis humoribus, sanguis vividius in viscerum horumce vasorum parietes impingit, extremitates urget, dehiscere cogit, lateralia vascula infarcit, in his stagnat, putrescit, gangrænâ aut abscessus efficit. Simili de causâ, frigori intenso succedente mitiori, calidâ scilicet, & humidâ cœli temperie, crebrius Parisiis quam ullis aliis hujusce imperii locis, ingruere apoplexias & peripneumonias censemus. Nec aliundè repetendam originem passionis hytericæ frequentius Parisiæ mulieres discruciantis sentiet Medicus, qui paulò serius perpenderit quantum ab illarum regimine discrepet provincialium vivendi ratio: prætermisiss enim aliis circumstantiis, minùs desidiösam, & exercitaram magis vitam degunt hæ mulieres; elegantiori minùs, at salubriori modo pectus accuratè tegunt; undè facilius & copiosius succedit insensibilis per cutis poros excretio. Ab hujus autem excretionis penuriâ oriri passionem hytericam invictè probat prothei-formis istius morbi curatio, quæ tonicis, stomachicis, & (ut clarissimi *Sydenham* verbis utar) invigorantibus medicamentis, motu musculari gradatim aucto, omnibus tandem mediis quæ transpirationem restituere & augere valent, ritè perficitur.

V.

EX œconomia animalis legibus faciliè fluere, observationibus Medico cuilibet quotidie obviis nostram hypothesim inniti, probavimus. Ad conclusionem igitur properare quid vetat? obstabit ne, qui jam dudum invaluit mos contrarius? indecorum, credo, foret lepidos & bellulè compertos homunculos, agrestes & rusticos incompositâ cæsarie fieri? Nobiles & venustas mulierculas, leporibus & illecebris per invidiosa strophia velatis dehonestari? Absit à nobis opinemur eousquè stoliditatis processisse gentem nostram, ut sanitati & longævitati stultum anteponat ulum. At forsan quispiam contendet, falso nos, à capitis & pectoris continuâ nudatione, infinitam propè malorum seriem oriundam censere, cum viatorum rela-

tionibus certo confet, plures in Americæ locis Barbaros & incultos homines, longam, vegetam, & morbis immunem vitam traducere; quamvis non solum caput & pectus, verum & integrum corpus nudum semper aëri exponatur. Verum quænam, quæso, instituenda comparatio inter homines barbaros, ferarum more, per silvas vagantes, quorum prima fibrarum stamina ab origine firma, ab incunabulis variâ atmosphæræ intemperie densata & constricta gradatim induruerunt, & homines communi legum & artium vinculo alligatos & politos, qui prima corporis rudimenta debilia receperunt à parentibus, inerrem & desidiosam agunt vitam, & corpus adversus aëris mutationes, domibus, & vestimentis variis pro diversâ tempestate deffendunt; qui humores ingestis acribus inquinant & corrumpunt; quorum denique fibræ tenues & sensibiles, levissimâ causâ in motus inordinatos aguntur? Fac homunciones nostri firmâ barbarorum texturâ gaudeant, tuncque parum de cooperiendis eorum capitibus & thoracibus erimus solliciti. Fac delicatulas nostras mulieres derelictis mollibus lectis & pulvinaribus sub aprico decumbant impunè, fætus suos feliciter edant in ripâ fluminis aut rivuli, seque, tenellisque infantibus aquâ transfluente immerfis & absterfis, alacres domum protinus redeant; tuncque per nos licebit, nudum pectus aëri quantumvis frigido exponant. Vultus, ô scæminæ, pars humani generis gratior & venustior, fluore albo, passione hysterica, hæmophiliâ, phthisi, carcinomate, &c. expertes & fortunatos dies agere? Dociles Apollinis arti præbeatis aures. Cunctos transpirationi obices removere assidue invigiletis; nec nisi legitimâ flagranti cupidine sponso, aut dulci nato materna ubera sugere amanti nivea pandatis pectora: aut si vos parum vestri tangit cura, illud mentibus perpetuò infixum habeatis, vos patriæ subditos, & conjugibus natos sanos & valentes debere; non pusillos qui valetudine infirmâ, & ærumnosâ vitâ, delicta vestra luant aliquando. Et vos, ô viri Parisi, indecorum Gallis torporem excutite: ineptam hanc cultûs & ornatus affectationem mulierculis relinquit; sanitas illibata, corporis robur, animi firmitas vestra sint, Hæc vera sunt bona Gallorum & ornamenta. Per hæc longè latèque sui nominis, & imperii Gallici gloriam disseminaverunt virtute bellicâ insignes majores nostri. Hæc laboribus, exercitationibusque corporis, arte scilicet gladiatoria, luctâ, pilæ ludo, equitatione comparetis. Utque per universam cutis superficiem foveatur aurea transpiratio, nunquam capite & thorace nudatis palam conspiciemini. Sic felici experientiâ nostram stabilietis conclusionem.

Ergò consueta Parisiis, capitis & pectoris perpetua serè nudatio, est noxia.

Proponebat Parisiis JOANNES-BAPTISTA-ALEXANDER
MAIGRET, Parisinus, Baccalaureus Medicus, A. R. S. H. 1763.

A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1763.

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895